

Z A B I L J E Š K A

sa Prve konstituirajuće sjednice Komisije za međunarodne veze, saradnju i evropske integracije, održane 20.09.2017. godine u prostorijama Saveza općina i gradova FBiH sa početkom u 12,00 sati

Sjednici su prisustvovali: Zikrija Duraković, Miroslav Lucić (zamjena za Mario Jurkić), Amila Hadžić, Srećko Mikulić, Mirela Bubalo i Ivan Vukadin

Opravidano odsutni: Suad Huskić i Smiljan Vidić

Neopravidano odsutni: Kemal Bratić i Sanid Zirak

Sjednici su prisustvovali i: Vesna Travljanin i Zlata Turkić (Savez)

Na sjednici je predložen i usvojen sljedeći

D N E V N I R E D

1. Konstituisanje Komisije za međunarodne veze, saradnju i evropske integracije
2. Izbor predsjednika i zamjenika predsjednika Komisije
3. Razmatranje i usvajanje Prijedloga poslovnika o radu Komisije
4. Informacija o održanom 20. sastanku Evropske komisije regiona, Radna grupa Zapadnog Balkana
5. Informacija o održanoj sjednici Skupštine NALAS-a
6. Tekuća pitanja

AD1. Vesna Travljanin, direktorica Saveza, otvarajući ovu sjednicu, upoznala je prisutne o održanoj Izornoj skupštini Saveza općina i gradova FBiH održanoj u Čapljini, 05.05.2017.godine na kojoj su izabrani organi i tijela Saveza. U postupku konsituisanja komisija Skupštine Saveza, svi predloženi kandidati potpisali su izjavu o prihvatanju kandidature.

AD2. Nakon predstavljanja članova Komisije, izabran je predsjednik Komisije, a za zamjenika predsjednika je odlučeno da se izbor izvrši na sljedećoj sjednici Komisije. Za **predsjednika** Komisije jednoglasno je izabrana **Mirela Bubalo** (Općina Novi Grad Sarajevo).

AD3. Jednoglasno je usvojen Prijedlog poslovnika o radu Komisije.

AD4. Mirela Bubalo informisala je prisutne o sastanku Odbora za Zapadni Balkan u okviru Evropskog komiteta regija, koji je održan u Briselu, 31.05.2017. godine. Tema sastanka bila je integracija zemalja Zapadnog Balkana i problemi na tom putu iz ugla lokalnih zajednica. Ovom prilikom posebno su u fokusu bile Bosna i Hercegovina i Albanija. Ispred Saveza općina i gradova Federacije Bosne i Hercegovine govorio je načelnik Općine Novi Grad Sarajevo Semir Efendić. Posebna pažnja posvećena je ekonomskim i socijalnim problemima zemalja Zapadnog Balkana koje se suočavaju sa visokom stopom nezaposlenosti, naročito mlade populacije, što za rezultat ima

odlazak mladih u zemlje Zapadne Evrope u potrazi za poslom. Istakla je da je načelnik Semir Efendić u svom izlaganju istakao da su lokalne zajednice u BiH veoma malo uključene u reformske procese na evropskom putu obzirom da se zakoni često donose bez ikakvih konsultacija sa njima. Zaključci sa sastanka Odbora za Zapadni Balkan biće prezentirani ključnim akterima i komesaru za proširenje, te se očekuje da u narednom periodu više pažnje bude posvećeno lokalnim zajednicama bez kojih se ne mogu provoditi ozbiljnije reforme u bilo kojoj državi.

AD 5. O održanoj XII Generalnoj skupštini NALAS-a, koja je održana je od 17.-19.05.2017. godine u Beču, prisutne je informisala Vesna Travljanin, direktorica Saveza. Napomenula je da su delegati skupštine analizirali rad regionalne asocijacije u 2016. godini, te usvojili Plan rada za 2017. godinu i Strateški plan Mreže za period 2018. -2022. godina. Skupština je zauzela stavove o proširenju Evropske unije na Zapadnom Balkanu i o lokalnoj vlasti i njihovim asocijacijama kao ključnim akterima u procesu integracije u Evropsku uniju, te potrebi razvoja kapaciteta u sektoru vodosnadbijevanja i sanitarne kontrole u Jugoistočnoj Europi.

Na ovoj Skupštini za novog predsjednika NALAS-a izabran je zamjenik predsjednik Saveza općina i gradova Republike Srpske Mićo Mićić.

Predstavnici lokalne samouprave zemalja članica NALAS-a su, takođe, imali priliku razgovarati o održivom upravljanju vodama, te mogućnostima i uslovima pružanja kvalitetnih vodnih usluga građanima. U okviru programa konferencije, NALAS je bio domaćin radionice o ulozi lokalnih samouprava u planiranju ulaganja i poboljšanju efikasnosti vodovodnih i sanitarnih usluga na kojoj su učestvovali gradonačelnici, načelnici, predstavnici nacionalnih asocijacija lokalne samouprave i eksperti. Ispred Saveza općina i gradova, ovom događaju su uzeli učešće gospođa Vesna Travljanin, direktor Saveza općina i gradova Federacije BiH i Edis Dervišagić, načelnik delegat NALAS- a.

AD6. U okviru ove tačke dnevnog reda kandidovane su dvije teme:

1.) TDBB (Unija općina i gradova turskog svijeta) – informacija o nedavnoj posjeti načelnika

- Vesna Travljanin je u povodu posjete načelnika iz Bosne i Hercegovine Turskoj, u organizaciji TDBB, napomenula je da je u 2015. godini Unija uputila inicijativu Savezu općina i gradova FBiH za saradnju sa Savezom. Tom prilikom, stav Saveza je bio da Savez neće biti članica ove organizacije, ali da pojedinačne općine mogu pristupiti članstvu.
- Mirela Bubalo je dala kratki osvrt na nedavnu posjetu načelnika Turskoj, informisala prisutne o programu i aktivnostima u toku posjete kao i značaju članstva u Uniji.
Zaključeno je:
- **Zadužuju se Vesna Travljanin i Mirela Bubalo da do iduće sjednice Komisije pripreme informaciju o tome koje su nacionalne asocijacije NALAS-a članice Unije.**
- **Također je potrebno pripremiti informaciju o tome kakav je odnos Nacionalne asocijacije gradova Turske i TDBB.**

2.) Šejla Hasić je izvjestila prisutne o pozivu LDA (Agencije za lokalnu demokratiju) iz Mostara

za sastanak u Briselu, 12.10.2017. godine, na kojem bi, eventualno, prisustvovao g-din Han, komesar za proširenje EU. Sastanak se odvija u toku sedmice lokalne samouprave na temu podrške i finansiranja LDA organizacija. Predstavници LDA su dostavili dokumentaciju i korespondenciju između direktorice ALDA-e i g.din Hana.

Zaključeno je da se dostavljena korespondencija proslijedi Farisu Hasanbegoviću, načelniku Sanskog Mosta da procjeni potrebi prisustva ovom sastanku.

Sjednica je završena u 13,30 sati
Zabilješku sačinila: Zlata Turkić

PREDSJEDNICA KOMISIJE
Mirela Bubalo, s.r.